

Izveštaj o radu Uprave policije MUP-a Kantona Sarajevo za mjesec septembar 2019. godine

KRIMINALITET

OSNOVNI STATISTIČKI POKAZATELJI KRIMINALITETA

U mjesecu septembru 2019. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovano je 336 događaja sa obilježjem krivičnog djela što je za 15 ili 4,7% više u odnosu na isti mjesec prethodne godine.

U izvještajnom mjesecu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 223 obavijesti (isti broj) o događajima u kojima je pričinjena neznatna materijalna šteta¹.

Od ukupno broja registrovanih događaja sa obilježjem krivičnog djela, 178 ili 53% je evidentirano po poznatom izvršiocu, a 158 ili 47% po nepoznatom izvršiocu.

Od ukupno 158 događaja sa obilježjem krivičnog djela evidentiranih po nepoznatom izvršiocu, **naknadno je rasvijetljeno 48 ili 30,4%** (što je za 2,1% manje u odnosu na uporedni mjesec) od čega je 29 registrovano tokom izvještajnog mjeseca, a 19 u ranijem periodu.

Službenici Uprave policije MUP-a KS su u mjesecu septembru 2019.godine za ukupno 226 događaja sa obilježjem krivičnog djela (događaji po poznatom izvršiocu i naknadno rasvijetljeni događaji) ili 67,3% identifikovali su osumnjičene izvršioce, što je za 0,9% više u odnosu na isti mjesec prethodne godine.

OSNOVNI STATISTIČKI POKAZATELJI KRIMINALITETA U MJESECU SEPTEMBRU 2019/18. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
SEPTEMBAR 2019. GODINE	336	178	158	48	19	220	12	145	121
SEPTEMBAR 2018. GODINE	321	161	160	52	19	200	5	108	81
<i>uporedba</i>	15	17	-2	-4	0	20	7	37	40
	4,7%	10,6%	-1,3%	-7,7%	isto	10%	140%	34,3%	49,4%

Zbog postojanja osnova sumnje da su učestvovali u izvršenju događaja sa obilježjem krivičnog djela prijavljeno je 220 lica (20 više), od čega je 145 povratnika (37 više) (ili 65,9% od ukupnog broja prijavljenih lica), 12 maloljetnika (sedam više), a 121-no lice je lišeno slobode (40 više).

¹ Događaj sa obilježjem krivičnog djela (krivični ili kriminalni događaji) koji se u skladu sa odlukom nadležnog tužioca može transformisati u krivično djelo ili u prekršaj ili u neskrivljeni društveno opasan događaj

Za događaje sa obilježjem krivičnog djela koji su evidentirani u mjesecu septembru 2019. godine, prema izjavama oštećenih lica, nastupila je materijalna šteta u ukupnom iznosu od 277.005,60 KM, 1.000 € i 200\$.

PREGLED KRIMINALITETA NA PODRUČJU KANTONA SARAJEVO U MJESECU SEPTEMBRU 2019/18. GODINE
POSMATRANO PO GLAVAMA KZFBiH-a

Glave KZ FBiH	SEPTEMBAR 2019.	SEPT. 2018.	uporedba		broj događaja u kojima su identifikovani izvršioi	
			+ / -	%	broj	%
Protiv života i tijela	15	11	4	36,4%	15	100%
Protiv slobode i prava čovjeka i građanina	16	15	1	6,7%	15	93,8%
Protiv spolne slobode i morala	1	1	0	isto	1	100%
Protiv braka, porodice i mladeži	26	20	6	30%	26	100%
Protiv zdravlja ljudi	53	39	14	35,9%	53	100%
Iz oblasti poreza	0	1	-1	---	0	---
Protiv imovine	173	192	-19	-9,9%	70	40,5%
Protiv okoliša, poljoprivrede i prirodnih dobara	1	1	0	isto	0	---
Protiv opće sigurnosti ljudi i imovine	7	9	-2	-22,2%	2	28,6%
Protiv sigurnosti javnog prometa	7	6	1	16,7%	7	100%
Protiv pravosuđa	0	6	-6	----	0	---
Protiv javnog reda i pravnog prometa	21	13	8	61,5%	21	100%
Protiv podmićivanja i kd protiv službene i druge odgovorne funkcije	2	2	0	isto	2	100%
Protiv privrede i jedinstva tržišta te kd iz oblasti carina (KZBiH)	5	0	5	---	5	100%
ZONDINOIM-a (Sl.novine Kantona Sarajevo br.01/18)	9	5	4	80%	9	100%
UKUPNO	336	321	15	4,7%	226	67,3%

U mjesecu septembru 2019. godine u odnosu na isti mjesec prethodne godine, zabilježeno je povećanje broja registrovanih događaja sa obilježjem krivičnog djela za 15 ili 4,7%. Najznačajnije povećanje zabilježeno je u oblastima protiv zdravlja ljudi (za 14 djela), javnog reda i pravnog prometa (za osam), braka, porodice i mladeži (za šest), života i tijela (za četiri), itd. dok je najznačajnije smanjenje evidentirano u oblasti protiv imovine (za 19 djela).

PREGLED DOGAĐAJA SA OBILJEŽJEM KRIVIČNOG DJELA PO OBLASTIMA

PROTIV ŽIVOTA I TIJELA

Tokom septembra 2019. godine evidentirano je 15 događaja sa obilježjem krivičnog djela iz oblasti protiv života i tijela (četiri više u odnosu na septembar 2018 godine) i to: ubistvo - jedno (nije bilo ovih djela), ubistvo u pokušaju - jedno (isto), teška tjelesna ozljeda – pet (jedno manje) i lahka tjelesna ozljeda – osam (četiri više).

Zbog postojanja osnova sumnje da su ih počinili, nadležnim tužilaštvima podneseni su službeni izvještaji protiv 11 lica, od kojih su četiri povratnika (ili 36,3%), a tri su lišena slobode.

PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 16 događaja sa obilježjem krivičnog djela (jedno više) i to: ugrožavanje sigurnosti - 14, protupravno lišenje slobode - jedan i narušavanje nepovredivosti stana - jedan, za čije je izvršenje prijavljeno je 16 lica, od kojih je sedam povratnika (ili 43,7%), a osam je lišeno slobode.

PROTIV BRAKA, PORODICE I MLADEŽI

Iz oblasti protiv braka, porodice i mladeži u mjesecu septembru evidentirano je 26 događaja sa obilježjem krivičnog djela (šest više) i to - nasilje u porodici, za čije izvršenje je prijavljeno 25 lica, od čega je 19 (ili 76%) povratnika, a 17 lica je lišeno slobode.

PROTIV ZDRAVLJA LJUDI

Prijavljena su 53 događaja sa obilježjem krivičnog djela iz oblasti protiv zdravlja ljudi (14 više) i to:

- neovlašćena proizvodnja i stavljanje u promet opojnih droga (čl. 238. KZ FBiH) – četiri,
- posjedovanje i omogućavanje uživanja opojnih droga (čl. 239. KZ FBiH) – 49.

Zbog postojanja osnova sumnje da su ih počinili podneseni su službeni izvještaji protiv 59 lica (19 više), među kojima je 37 povratnika (ili 62,7%), a 40 je lišeno slobode (25 više).

Policijski službenici Uprave policije su Kantonalnom tužilaštvu Sarajevo podnijeli službeni izvještaj protiv devet lica zbog postojanja osnova sumnje da su u proteklom periodu u više navrata kupovali opojnu drogu "Heroin" i "Marihuana" od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), a protiv ukupno 50 lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Heroin", "Ecstasy", itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U MJESECU SEPTEMBRU 2019/18. GODINE

VRSTA OPOJNE DROGE	SEPTEMBAR 2019.GOD	SEPTEMBAR 2018. GOD.
Marihuana (u gramima)	855	25
Marihuana (paketići)	22	13
Marihuana (cigarete-kom.)	---	1
Heroin (paketići)	---	85
Amfetamin (paketići)	6	28
Amfetamin (u gramima)	25	82
Ecstasy (tablete)	130	1
Cannabis- stabljike	352	---
pribor sa ostacima droge	8	2

PROTIV IMOVINE

U ovom mjesecu, registrovana su 173 događaja sa obilježjem krivičnog djela protiv imovine, što je za 19 manje u odnosu na isti mjesec prošle godine. Iz ove oblasti najbrojniji su: teška krađa – 78 (21 manje), krađa – 48 (25 više), razbojništvo – 31 (tri više), oštećenje tuđe stvari – devet (11 manje), utaja - dva (pet manje), itd.

Od ukupno 151-nog događaja evidentiranog po nepoznatom izvršiocu iz ove oblasti naknadno je rasvijetljeno 48 ili 31,8% (isto kao u septembru 2018. godine).

Najveći broj teških krađa izvršen je u stambenim objektima – 36 puta (šest više), motornim vozilima (otuđenja motornih vozila i “provale” u ista) – 22 (16 manje), poslovnim prostorima - šest puta (15 manje), itd.

Tokom mjeseca septembra na području Kantona Sarajevo registrovano je 13 otuđenja motornih vozila od čega je šest ili 46,2% pronađeno i vraćeno vlasnicima (od strane Uprave policije MUP-a KS vraćena su četiri vozila i vlasnici su pronašli dva vozila).

Broj otuđenja motornih vozila, u odnosu na uporedni mjesec, smanjen je za 12 ili 48%, a zbog postojanja osnova sumnje da su učestvovali u njima, nadležnom tužilaštvu u mjesecu septembru 2019. godine podneseni službeni izvještaji protiv 11 lica (devet više).

Prijavljeno je 48 događaja sa obilježjem krivičnog djela krađe (25 više), koja su izvršena 15 puta u poslovnim prostorijama, devet puta u vozilima i na stajalištima GRAS-a, osam u stambenim objektima, 13 na ulici, itd. odakle su otuđivani novčanici, tehnička roba, alat, bicikli, auto dijelovi, itd.

Evidentirano je 11 događaja sa obilježjem krivičnog djela teških krađa na naročito opasan ili naročito drzak način (jedno više), u kojima su izvršiocu, upotrebom fizičke snage (otimanjem i trganjem) - deset puta i verbalnom prijetnjom u jednom slučaju, otimali mobitele, novac i nakit, a evidentirani su: sedam puta na ulici, dva puta na stajalištima GRAS-a, u prodavnici i u haustoru stambene zgrade - po jednom. Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv dva lica.

U mjesecu septembru ove godine registrovan je 31 događaj sa obilježjem krivičnog djela razbojništva (tri više), od čega je za 22 ili 71% identifikovan osumnjičeni izvršilac (što je za 28,2% više).

Razbojništva su izvršena prijetnjom upotrebe vatrenog oružja - 11 puta, prijetnjom upotrebe noža ili drugog oštrog predmeta – 11 i upotrebom fizičke snage – devet puta, a počinjena su u poslovnim prostorijama - 15 puta, na ulici - devet, na benzinskim pumpama - tri, u stambenim objektima - dva, u apotekama i sportskim kladionicama - po jedno. Otuđivan je novac, mobiteli, nakit, cigarete, itd.

Zbog postojanja osnova sumnje da su počinili razbojništva nadležnom tužilaštvu podneseni su službeni izvještaji protiv 33 lica (20 više) od kojih je 29 povratnika (ili 87,9%), a 18 je lišeno slobode.

PROTIV OPĆE SIGURNOSTI LJUDI I IMOVINE

Iz ove oblasti evidentirano je sedam događaja (dva manje) i to: izazivanje opće opasnosti - šest i teška djela protiv opće sigurnosti ljudi i imovine - jedan, za čije izvršenje su nadležnom tužilaštvu podneseni službeni izvještaji protiv dva lica, koja su lišena slobode.

Događaji sa obilježjem krivičnog djela izazivanje opće opasnosti izvršeni su na otvorenom prostoru - pet puta i u ugostiteljskom objektu - jedno. Dva puta je pucano iz vatrenog oružja i u četiri slučaja je otvorenim plamenom izazvan požar. Posljedica izvršenja navedenih događaja je nastala materijalna šteta i uznemirenost građana.

PROTIV JAVNOG REDA I PRAVNOG PROMETA

U ovoj oblasti registrovan je 21 događaj sa obilježjem krivičnog djela (osam više) i to: nasilničko ponašanje i nedozvoljeno držanje oružja ili eksplozivnih materija - po pet, napad na službenu osobu u vršenju poslova sigurnosti - četiri, sprječavanje službene osobe u vršenju službene radnje i krivotvorenje isprave - po tri i ovjeravanje neistinitog sadržaja - jedan. Zbog postojanja osnova sumnje da su ih počinili, nadležnom tužilaštvu podneseni su službeni izvještaji protiv 22 lica od kojih je 13 povratnika (ili 59,1%), a 13 je lišeno slobode.

DOGAĐAJI SA OBILJEŽJEM KRIVIČNOG DJELA POČINJENI OD STRANE MALOLJETNIH LICA

U toku mjeseca septembra 2019. godine prijavljeno je 12 maloljetnih lica zbog postojanja osnova sumnje da su učestvovali u izvršenju devet događaja sa obilježjem krivičnog djela. U odnosu na isti mjesec 2018. godine, broj maloljetnih učinilaca povećan je za sedam ili 140%, a broj događaja sa obilježjem krivičnog djela u čijem izvršenju su učestvovala maloljetna lica povećan je za četiri ili 80%. Među prijavljenim maloljetnim učiniocima, šest su u dobi između 14 i 16 godina i šest u dobi između 16 i 18 godina, a šest maloljetnika su povratnici u izvršenju događaja sa obilježjem krivičnog djela.

Struktura događaja sa obilježjem krivičnog djela izvršenih od strane maloljetnih lica
u toku mjeseca septembra 2019/2018. godine

(KZ FBiH) događaja sa obilježjem krivičnog djela	septembar 2019.	septembar 2018.
ubistvo u pokušaju	1	0
silovanje u pokušaju	0	1
lahka tjelesna ozljeda	1	1
posjedovanje i omog. uživanja opojnih droga	2	0
krađa	0	1
teška krađa u pokušaju	0	1
razbojništvo	3	1
oštećenje tuđe stvari	1	0
nasilničko ponašanje	1	0
UKUPNO	9	5

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku mjeseca septembra 2019. godine nije bilo evidentiranih aktiviranja minsko-eksplozivnih sredstava (u septembru 2018. godine - tri).

U toku izvještajnog mjeseca evidentirana je jedna anonimna dojava o postavljenoj eksplozivnoj napravi (kao u septembru 2018. godine), za čije izvršenje je prijavljeno jedno lice.

POŽARI

Tokom mjeseca septembra 2019. godine, na području Kantona Sarajevo registrovano je 11 požara (dva manje) koji su za posljedicu imali materijalnu štetu.

Prema statističkim pokazateljima, pet požara je izazvano namjerno, tri zbog tehničkih nedostataka, dva nehatom, dok uzrok jednog požara spada u kategoriju ostalih.

Objekti registrovanih požara bili su:

- Saobraćajno sredstvo – pet puta,
- Stambeni objekat – tri,
- Pomoćni objekat – dva,
- Proizvodni objekat – jednom.

SAMOUBISTVA

U mjesecu septembru 2019. godine na području Kantona Sarajevo registrovana su dva samoubistva (dva manje) koja su izvršena: vješanjem i skakanjem sa visine.

Izvršioi su muškarac starosne dobi 66 i žena starosne dobi 43 godine.

OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeto je šest pištolja, dvije puške, jedan noža, 256 komada municije raznog kalibra, itd.

Tokom mjeseca septembra ove godine fizičkim licima izdato je 50 odobrenja za nabavku vatrenog oružja i 58 oružnih listova.

JAVNI RED I MIR

U toku mjeseca septembra 2019. godine u oblasti protiv javnog reda i mira registrovano je 314 prekršaja (naloga - 243, zahtjeva za pokretanje prekršajnog postupka - 71), što u odnosu na mjesec septembar 2018. godine predstavlja smanjenje za 42 ili 11,8%. Za izvršenje navedenih prekršaja prijavljeno je **331. lice** (53 ili 13,8% manje).

Na prekršaje utvrđene Zakonom o prekršajima protiv javnog reda i mira odnosi se 288 prekršaja (ili 91,7%), a na prekršaje koji su utvrđeni Odlukom općinskih vijeća o javnom redu i miru 26 ili 8,3%.

Od ukupnog broja prijavljenih lica, 37 su lica koja su i ranije činila prekršaje (povratnici), a prema starosnoj strukturi učinilaca prekršaja, najbrojniji su u dobi preko 36 godina (222), između 26 i 35 godina (61) i 19 i 25 godina (48).

Prilikom narušavanja javnog reda i mira u mjesecu septembru 2019. godine, nije bilo teže povrijeđenih lica (kao ni u istom mjesecu 2018. godine), dok je 15 lica (devet više) lakše povrijeđeno.

Tabelarni pregled strukture prekršaja iz oblasti javnog reda i mira
za mjesec septembar 2019/2018. godine

STRUKTURA PREKRŠAJA	septembar 2019.	septembar 2018.	+ - %
UKUPNO prekršajnih naloga i zahtjeva za ppp	314	356	-42 ili 11,8%
UKUPNO lica	331	384	-53 ili 13,8%
Prekršaji prema Zakonu o prekršajima protiv JRiM:	288	302	-14 ili 4,6%
<i>-Tuča</i>	36	27	+9 ili 33,3%
<i>-Naročito drsko ponašanje</i>	25	52	-27 ili 51,9%
<i>-Odbijanje naredenja i omalovažavanje pol. služb.</i>	37	23	+14 ili 60,9%
<i>-Prosjačenje</i>	126	150	-24 ili 16%
<i>-Paljenje petardi</i>	---	---	---
<i>Uživanje opojne droge na javnom mjestu</i>	4	1	+3 ili 300%
<i>-Svađa, vika, nepristojno ponašanje</i>	8	13	-5 ili 38,5%
<i>-Ostali prekršaji</i>	52	36	+16 ili 44,4%
Ukupno naloga/ zahtjeva prema Odluci o.v. o JRM	26	54	-28 ili 51,8%

Prema vrsti prekršaja, najbrojniji su sljedeći prekršaji: prosjačenje (126 ili 40,1% od ukupnog broja), odbijanje naređenja i omalovažavanje policijskih službenika (37 ili 11,8%) i tuče (36 ili 11,5%). Takođe, evidentirana su 52 prekršaja iz kategorije ostali prekršaji i 26 prekršaja koji su regulisani Odlukom općinskih vijeća.

U odnosu na isti mjesec 2018. godine povećan je broj prekršaja učinjenih tučom, odbijanjem naređenja i omalovažavanjem policijskih službenika, uživanjem opojne droge na javnom mjestu i ostali prekršaji, a broj prekršaja učinjenih naročito drskim ponašanjem, prosjačenjem i svađom, vikom, neprirodnim ponašanjem je smanjen.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (272 ili 86,6%), a znatno manje u ugostiteljskim objektima (10 ili 3,2%), trgovinskim i zanatskim radnjama (devet ili 2,9%), vozilima javnog saobraćaja, školama i školskim dvorištima (po jedan), a na ostalim mjestima 21 prekršaj.

Tabelarni pregled strukture prekršaja iz oblasti javnog reda i mira prema mjestu izvršenja u mjesecu septembru 2018/2019. godine

MJESTO IZVRŠENJA	SEPTEMBAR 2019.	SEPTEMBAR 2018.	+ - %
Ulica i drugi otvoreni prostor	272	334	-62 ili 18,6%
Ugostiteljski objekti	10	4	+6 ili 150%
Sportski stadioni i dvorane	0	0	---
Vozila javnog saobraćaja	1	1	isti broj
Škole i školska dvorišta	1	0	+1
Trgovine i zanatske radnje	9	0	+9
Ostala mjesta	21	17	+4 ili 23,5%
UKUPNO	314	356	-42 ili 11,8%

U odnosu na mjesec septembar 2018. godine, smanjen je broj prekršaja evidentiranih na ulici i drugim otvorenim prostorima, u vozilima javnog saobraćaja taj broj je ostao isti, dok je na svim ostalim mjestima taj broj povećan.

Na području Kantona Sarajevo u mjesecu septembru 2019. godine održano je 276 javnih skupova (122 ili 30,6% manje u odnosu na septembar 2018. godine). Policijski službenici Uprave policije su proveli planske aktivnosti za održavanje javnih skupova, koji su protekli bezbjedno, a u 57 slučajeva izvršeno je KDZ osiguranje.

SAOBRAĆAJ

Na području Kantona Sarajevo u mjesecu septembru 2019. godine u odnosu na isti mjesec prethodne godine povećan je ukupan broj saobraćajnih nezgoda, broj nezgoda sa materijalnom štetom i nastradalim licima i broj nastradalih lica.

Registrovano je 813 saobraćajnih nezgoda (25 ili 3,2 % više) u odnosu na septembar prethodne godine, od čega su 742. sa materijalnom štetom (22 ili 3 % više) i 71. sa nastradalim licima (tri ili 4,4 % više). U navedenim nezgodama 99 lica je povrijeđeno (16 ili 19,3 % više), od čega 16 teže i 83 lakše.

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
ZA MJESEC SEPTEMBAR 2019./18. GODINE

	sep. 2019.	sep. 2018.	+,-,%
UKUPNO SAOBRAĆAJNIH NEZGODA	813	788	+ 25 ili 3,2 %
Saobraćajne nezgode sa nastradalim licima	71	68	+ 3 ili 4,4 %
Saobraćajne nezgode sa materijalnom štetom	742	720	+ 22 ili 3 %
POGINULO LICA	3	1	+ 2 ili 200 %
- vozači	1	1	isto
- putnici	2	0	+ 2
- pješaci	0	0	-----
POVRIJEĐENO LICA	99	83	+ 16 ili 19,3 %
- vozači	55	43	+ 12 ili 27,9 %
- putnici	33	27	+ 6 ili 22,2 %
- pješaci	11	13	- 2 ili 15,4 %

U naselju je registrovano 745 saobraćajnih nezgoda (65 sa povrijeđenim licima i 680 sa materijalnom štetom), van naselja 68 nezgoda (jedna sa poginulim, pet sa povrijeđenim licima i 62 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U MJESECU SEPTEMBRU 2019. GODINE (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju		12	53	680	745		16	76
van naselja	1		5	62	68	3		7
UKUPNO	1	12	58	742	813	3	16	83

Prema kategoriji puta, najveći broj saobraćajnih nezgoda registrovan je:

- na ulicama u naselju – 439 nezgoda u kojima je 60 lica povrijeđeno (10 teže i 50 lakše),
- na magistralnim putevima – 92 nezgode u kojima su 24 lica nastradala (tri lica poginula, 21 lice povrijeđeno, pet teže i 16 lakše),
- na lokalnim putevima – 64 (sedam lica povrijeđeno, jedno teže i šest lakše),
- na regionalnim putevima – 26 (četiri lica lakše povrijeđena),
- na putevima koji se ubrajaju u kategoriju ostalih – 192 saobraćajne nezgode (sedam lica lakše povrijeđeno).

POSLJEDICE SAOBRAĆAJNIH NEZGODA

Tokom mjeseca septembra 2019. godine, u saobraćajnim nezgodama na području Kantona Sarajevo nastradala su ukupno 102 lica (18 ili 21, 4 % više). Tri lica su poginula,² dok je 99 lica povrijeđeno (16 ili 19,3 % više), od čega 16 teže i 83 lakše.

UPOREDNI POKAZATELJI NASTRADALIH LICA
U MJESECU SEPTEMBRU 2019/18. GODINE

učesnici u saobraćaju	septembar 2019. godine	septembar 2018. godine	uporedba	
			+/-	%
vozači	56	44	+ 12	+ 27,3 %
putnici	35	27	+ 8	+ 29,6 %
pješaci	11	13	- 2	- 15,4 %
UKUPNO	102	84	+ 18	+ 21,4 %

TABELARNI PREGLED NASTRADALIH LICA U SAOBRAĆAJNIM NEZGODAMA PO KATEGORIJI UČESNIKA
ZA MJESEC SEPTEMBAR 2019/18. GODINE

mjesec	SEPTEMBAR 2019. GODINE			SEPTEMBAR 2018. .GODINE			UPOREDBA SEPTEMBAR 2019/18. GOD.		
	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno
VOZAČI	1	10	45	1	4	39	isto	+ 6	+ 6
PUTNICI	2	4	29	0	5	22	+ 2	- 1	+ 7
PJEŠACI	0	2	9	0	8	5	-----	- 6	+ 4
UKUPNO	3	16	83	1	17	66	+ 2	- 1	+ 17

STEPEN POVREDA UČESNIKA U SAOBRAĆAJNIM NEZGODAMA

- Vozači :
55 vozača povrijeđeno (10 teže, 45 lakše)
- Putnici:
33 putnika povrijeđena (četiri teže, 29 lakše)
- Pješaci:
11 pješaka povrijeđeno (dva teže, devet lakše)

Starosna dob nastradalih lica u saobraćajnim nezgodama je slijedeća:

- ispod 6 godina – četiri lica,
- od 6 do 14 godina – četiri,
- od 18 do 24 godine -19,
- od 25 do 30 godina – 12,
- od 31 do 40 godina – 21,
- od 41 do 50 godina – 14,
- od 51 do 65 godina -10,
- od 66 i više godina – 12,
- nepoznata starosna dob – šest lica.

Starosna dob nastradalih vozača u saobraćajnim nezgodama je slijedeća:

- od 18 do 30 godina – 21 lice,
- od 30 do 40 godina – 15,
- od 40 do 50 godina – osam,
- od 50 do 60 – četiri,
- od 60 i više godina – šest,
- nepoznata starosna dob – dva lica.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih – 695 (tri lica poginula, 77 lica povrijeđeno, 11 teže i 66 lakše),
- neprilagođena brzina – 115 (22 lica povrijeđena, pet teže i 17 lakše),
- uticaj alkohola – dvije nezgode (bez nastradalih lica),
- uticaj opojnih droga – jedna nezgoda (bez nastradalih lica).

Evidentirano je 26 saobraćajnih nezgoda (šest više) u kojima su učestvovali inostrani vozači i tri nezgode (jedna više) u kojima su učestvovala vozila diplomatskog kora (bez nastradalih lica).

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca septembra 2019. godine, policijski službenici Uprave policije MUP-a Kantona Sarajevo kontrolisali su:

- 16.697 vozila (252 više),
- 4.130 lica u vozilima (228 manje),
- 162 vozila pregledali (48 više),
- 116 lica u tim vozilima (jedno više).

Zbog tehničke neispravnosti iz saobraćaja je isključeno 25 vozila (14 manje), 240 vozača je zatečeno da upravljaju vozilom pod dejstvom alkohola (35 manje), 355 bez korištenja sigurnosnog pojasa (47 manje), 190 bez položenog vozačkog ispita (73 više), 46 pod izrečenom zaštitnom mjerom (19 više), 327 vozača je zatečeno da koriste mobitel tokom vožnje (100 manje) i 565 vozila je učestvovalo u saobraćaju bez važeće registracije (439 više).

Zbog kršenja propisa iz oblasti sigurnosti saobraćaja uručena su 18.133 prekršajna naloga vozačima (1.520 ili 9,1 % više u odnosu na septembar prošle godine) i podneseno 105 zahtjeva za pokretanje prekršajnog postupka (78 ili 288,9 % više).

MIRUJUĆI SAOBRAĆAJ I KONTROLA PJEŠAKA

Tokom mjeseca septembra 2019. godine kontinuirano su se provodile aktivnosti u pogledu saobraćaja u mirovanju i kontrole kretanja pješaka.

Protiv vozača koji su vozila nedozvoljeno parkirali na javnim površinama, uručeno je 6.649 prekršajnih naloga (1.241 više), upozoren je 301 vozač (42 manje), a specijalnim vozilom "pauk" premješteno je 180 vozila (16 manje).

Takođe, pješacima koji su kršili propise uručeno je 248 prekršajnih naloga (130 više), a upozoreno je 27 pješaka (36 manje).

ZAKONITOST U RADU

Tokom mjeseca septembra 2019. godine, registrovana su četiri napada (dva više) na policijske službenike MUP-a KS: Treća PU – tri i Četvrta PU –jedan napad. Tri napada su bila pojedinačna, dok je jedan napad, koji je izvršen na policijske službenike Treće PU, evidentiran kao grupni. U napadima je učestvovalo pet punoljetnih lica, koja su lišena slobode.

Tokom mjeseca septembra tekuće godine registrovan je jedan slučaj upotrebe sile. Tokom izvještajnog mjeseca, razmatrane su 22 predstavke na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za 11 predstavki (jedna više) provede unutrašnja istraga. Za pet predstavki je odlučeno da se izvrše provjere i prikupi

dokumentacija, za tri da su neosnovane, za dvije da je Odbor nenadležan i za jednu da se prosljedi nadležnoj policijskoj upravi.

Od ukupno 22 razmatrane predstavke, 14 je podneseno od strane građana, dok osam predavki predstavljaju saznanja iz službe.

Okončano je osam unutrašnjih istraga, među kojima su tri osnovane, tri su bile bez dovoljno dokaza, dok su dva slučaja ocijenjena kao neosnovana.

RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali brojne aktivnosti s ciljem uspostavljanja što bolje saradnje sa građanima, dugoročnog povećanja nivoa sigurnosti građana kao i jačanja povjerenja između građana i policije u zajednici.

Osim saradnje sa mjesnim zajednicama, školama, preduzećima i drugim institucijama, policijski službenici u zajednici su postupali po planovima na zaštiti povratnika i manjinskih naroda, s ciljem stvaranja i osiguranja povoljnog ambijenta za život ovih kategorija stanovništva.

Pored navedenog, tokom mjeseca septembra 2019. godine su realizovane slijedeće aktivnosti:

- Manifestacija „Sigurnost na cestama u BiH“,
- Realizacija javnog skupa povorke, pod nazivom „Porodični dani“,
- Realizacija javnog skupa povorke pod nazivom „Ima Izać“,
- Edukativna radionica „Djeca u saobraćaju“ .

Organizovan je obilazak mjesta na kojima dolazi do veće transakcije novca – banaka i trgovačkih centara, a ujedno se radilo na prikupljanju bezbjednosno interesentnih saznanja po pitanju krivičnih djela razbojništva, teških krađa motornih vozila, provalnih krađa u stanove, poslovne objekte. Takođe je, sa povremenim zadržavanjem, organizovan obilazak tramvajskih, autobuskih i trolejbuskih stajališta, posebno u vrijeme najfrekventnijeg dijela dana.

Sarajevo, 16.10.2019. godine

Odjeljenje za odnose s javnošću